



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-385-6/22**

Datum: **08.09.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «KARABAJA» d.o.o. Maglaj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice u naselju Jablanica, općina Maglaj, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «KARABAJA» d.o.o. Maglaj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice u naselju Jablanica, izgrađenog na zemljištu označenom kao k.č. broj: 1518/4 K.O. Jablanica, općina Maglaj.
2. Ova vodna dozvola se odnosi isključivo za aktivnost definisanu tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska služba u skladu sa članom 139. stav (2) tačka 1. i 2. i stav (3) Zakona o vodama.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole obezbjeđuje da se tehnološke otpadne vode od pranja pribora, opreme, pranja podova i radnih površina nesmetano sakupljaju i odvođe u mastolov. Preliv iz mastolova je u sabirnu jamu bez ispusta, koja se periodično čisti.
 - 3.3. Objekte čija je svrha odvođenje i prečišćavanje tehnoloških otpadnih voda (mastolov, sabirna jama, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.4. Čišćenje i pražnjenje uređaja za tretman otpadnih voda, odnosno mastolova, kao i pražnjenje i čišćenje sabirne jame može vršiti isključivo firma ovlaštena za tu vrstu djelatnosti, prema posebnom ugovoru.
 - 3.5. Korisnik je obavezan da redovno vodi dnevnik o pražnjenju i odvozu sadržaja mastolova i sabirne jame.
 - 3.6. Da se praktikuje suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
 - 3.7. Da se privremeno i konačno zbrinjavanje otpada i nusprodukata, koji nastaju u procesu rada klaonice, vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - 3.8. Da se vrši potpuno odvajanje krvi prilikom iskrvavljenja sistemom odvojenog prikupljanja, te da se klaonički otpad i krv skladišti u zato namijenjene hermetički zatvorene posude do predaje ovlaštenom operateru na dalje zbrinjavanje, a sve prema uputama i u saradnji sa veterinarskom inspekcijom.
 - 3.9. Da se nastalo đubrivo i osoka iz objekta za prijem stoke do klanja, redovno sakupljaju u odgovarajućoj vodonepropusnoj izvedenoj laguni, a koja će se periodično prazniti u svrhu đubrenja poljoprivrednog zemljišta.

- 3.10. Da se spriječi nekontrolisano rasipanje tečnog i krutog otpada (osoka i đubrivo) po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
 - 3.11. Talog iz mastolova se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.12. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada predmetnog objekta, u vodotoke i obale rijeka.
 - 3.13. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 17. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 10. U ovoj upravnoj stvari plaćene su sve upravne takse.
 11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
 12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «KARABAJA» d.o.o. Maglaj, dana 28.07.2022. godine, podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice u naselju Jablanica, izgrađenog na zemljištu označenom kao k.č. broj: 1518/4 K.O. Jablanica, općina Maglaj.

Dopisom broj: UP-1/21-3-40-385-2/22 od 04.08.2022. od Investitora je, u skladu sa članom 12. i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), traženo da dopuni dokumentaciju, što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-13-000243 od 28.02.2013. izdatog od Općinskog suda u Zenici,
- Ovjerena kopija Uvjerenja o poreznoj registraciji od 04.11.2013. izdatog od Porezne uprave FBiH-Kantonalni porezni ured Zenica,
- Dokaz o uplaćenju upravnoj taksi,
- Kopija Rješenja o ispunjavanju propisanih veterinarsko-zdravstvenih uslova broj: 05-20-1423-2/21 od 22.03.2021. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o odobrenju za upotrebu broj: 12-23-586/03 od 27.08.2003. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli broj: 12-23-4129/10 od 18.03.2011. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Urgencije (produženje okolinske dozvole) upućene dana 22.09.2017. Ministarstvu za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-278-4/17 od 21.08.2017. izdatog od «Agencije za vodno područje rijeke Save» Sarajevo,
- Kopija Ugovora o pražnjenju septičke jame, prevoz i ispuštanje njenog sadržaja u javni kanalizacioni sistem zaključen dana 17.04.2018. sa «KOMUNALNO JAVNO DRUŠTVO» d.o.o. Maglaj,
- Kopija Ugovora o preuzimanju životinjskog otpada zaključenog dana 18.04.2018. sa Lovačkom organizacijom „Klek“ Zavidovići,
- Glavni projekat-objekat klaonice i prerada mesa, šifra: MG-RB/00, mart 2000., urađen od «STILPROJEKT» Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli broj: UP-I/25-3-40-278-4/17 od 21.08.2017. godine, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 22.08.2022. konstatovano je da je podnosilac zahtjeva «KARABAJA» d.o.o. Maglaj uredan obveznik plaćanja posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-385-5/22 od 24.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat klaonice izgrađen je u naselju Jablanica, općina Maglaj. Objekat je izgrađen uz desnu obalu rijeke Jablanice. Objekat se sastoji od prostora za klanje i prostora za obradu mesa sa pratećim sadržajima, te depoa za privremeni smještaj stoke.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-278-4/17 od 21.08.2017. U toku uviđaja utvrđeno je da nije bilo izmjena u odnosu na naprijed navedenu dozvolu.
- Instalirani proizvodni kapacitet omogućava klanje do 300 grla krupne stoke te oko 150 grla sitne stoke mjesečno. Trenutno se prema izjavi podnosioca zahtjeva vrši klanje 1 krupnog i 1 malog grla sedmično.
- Otpadne vode od pranja trupala, opreme, radnih površina i podova se prikupljaju sistemom kanalizacije i odvođe na tretman u armirano-betonski separator masti sa prelivom u armirano-betonsku sabirnu jamu bez ispusta koja se povremeno čisti od strane komunalnog preduzeća.
- Krv se prikuplja zasebno, te zajedno sa klaoničkim otpadom predaje lovačkoj organizaciji.
- Oborinske vode sa krova objekta i manipulativnih površina se slobodno slijevaju na okolni teren.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je pravno lice «KARABAJA» d.o.o. Maglaj ispunilo minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice u naselju Jablanica, općina Maglaj, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-385-4/22 od 23.08.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

 Po ovlaštenju:
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- «KARABAJA» d.o.o.
Ivana Pavla II bb, 74250 Maglaj
- AVP Sava, ISV-vodna knjiga
- sektor 50
- ⊖ sektor 40 – arhiva
- oglasna ploča – AVP Sava